

PENGGUNAAN *MAQĀṢID AL-SYARI‘AH* DALAM FATWA MUAMALAT DI MALAYSIA: KAJIAN LITERATUR

***The Use of Maqāṣid al-Shari‘ah in Mu‘āmalāt Fatwā
in Malaysia***

Nora’inan Bahari

*Ph.D Candidate, Department of Shariah and Law,
Academy of Islamic Studies,
University of Malaya, 50603 Kuala Lumpur.
norainan@kuis.edu.my*

Ahmad Hidayat Buang

*Professor, Department of Shariah and Law,
Academy of Islamic Studies,
University of Malaya, 50603 Kuala Lumpur.
ahidayat@um.edu.my*

ABSTRACT

The current Islamic transactions practice in Malaysia was implemented on July 1, 1983 with the establishment of Bank Islam Malaysia Berhad. It is a turning point for the Malaysian people, especially Muslims, since for the first time, Islamic transactions without usury, gambling and gharar (uncertainty) are implemented in the banking sectors. However it cannot be denied that knowledge and practices of Islamic transactions among the community increased through research and related studies. This article is to review the literature related to the fatwā of Islamic transactions and the use of maqāṣid al-Shari‘ah that will be studied descriptively using library research and documentation methods. The study found that the use of maqāṣid al-Shari‘ah has been written in various languages, aspects and applications. However, no studies have been carried out related to fatwā on Islamic transactions in Malaysia.

Keywords: *literature, fatwā, mu‘āmalāt, maqāṣid al-Shari‘ah*

PENDAHULUAN


Sorotan kajian lepas atau kajian literatur dilakukan bagi memastikan sesuatu penulisan atau kajian yang akan dilakukan tidak pernah dibuat oleh penulis atau pengkaji yang lain atau yang ada hubungan dengan tajuk yang telah dipilih. Dengan kata lain, ia menentukan jurang yang wujud antara penulisan atau kajian yang lepas dengan penulisan atau kajian yang akan dilakukan. Dalam konteks Malaysia, penulisan dan kajian berkaitan dengan metodologi hukum Islam seperti penggunaan kaedah *Uṣūl al-Fiqh* dan *Qawā'id Fiqhiyyah* sama ada secara umum atau mengkhusus kepada sesuatu kaedah telah banyak dilakukan dalam fatwa seperti Saipul Anuar Haji Mohd Yusop (1999), Mohd Hafiz Jamaludin (2012), Alias Azhar (2001), Mohd Nazri Asiabu (2004) dan Norizan Masrion (2006). Walau bagaimanapun, berdasarkan penelitian awal, belum ada satu penulisan atau kajian berkaitan *maqāṣid al-Syari'ah* dan penggunaannya dalam fatwa muamalat di Malaysia. Justeru, satu tinjauan literatur akan dijalankan untuk mengesahkan perkara ini. Secara umum kajian literatur yang dijalankan adalah merangkumi dua kategori; (1) Fatwa muamalat di Malaysia dan (2) Penggunaan *maqāṣid al-Syari'ah* dalam fatwa muamalat.

KERANGKA TEORI

Kertas ini membuat satu gagasan bahawa penggunaan *maqāṣid al-Syari'ah* yang tepat dalam sesuatu fatwa akan menyerlahkan hukum yang lebih praktikal dan menepati konsep menarik kebaikan dan menolak kemudaratian. Walaupun demikian, terdapat faktor-faktor lain yang boleh memberi kesan kepada keputusan hukum yang dikeluarkan antaranya faktor latar belakang ahli Jawatankuasa Fatwa dan maklumat lengkap tentang sesuatu transaksi atau produk baru (Hasnan Kasan, 2008: 138-140; Mahmood Zuhdi, 2004: 79-93).

Apatah lagi dalam ruang lingkup muamalat yang luas untuk dilakukan ijтиhad (Ibn ‘Āshūr, 2006: 24), penggunaan *maqāṣid al-Syari'ah* dalam pengeluaran fatwa muamalat dapat memberikan jawapan kepada perkara-perkara baharu yang tidak boleh diqiyaskan dengan hukum sedia ada kerana ‘illah yang tidak sama atau perkara umum yang tiada dalil yang terperinci (al-Khādamī, 2003: 31-33). Keadaan ini boleh digambarkan seperti gambar rajah berikut:

Rajah 1: Kesan Penggunaan *Maqāṣid al-Syarī‘ah* dalam Fatwa.



Justeru, analisis kandungan (*content analysis*) yang dilakukan melibatkan penulisan dan kajian terdahulu terutamanya berkaitan fatwa muamalat dan penggunaan *maqāṣid al-Syarī‘ah* dalam fatwa tersebut di Malaysia dapat menjelaskan lagi isu ini.

FATWA MUAMALAT

Fatwa menurut Ibn Manzur (t.t.: 147-148) diambil daripada perkataan *afta-ifta'an* yang memberi maksud menjelas dan menghuraikan hukum permasalahan. Manakala Mustafa Sanu (2000: 308) mengistilahkannya sebagai jawapan yang dibuat oleh mufti atau *faqih* pada perkara atau hukum yang berlaku apabila diajukan soalan kepadanya; atau menghabarkan hukum Allah SWT sama ada ada mestri atau harus.

Berdasarkan penjelasan di atas, fatwa dalam pengertian bahasa dan istilah *Uṣūl al-Fiqh* bermaksud jawapan kepada permasalahan yang memerlukan hukum dikeluarkan oleh mufti atau mujtahid yang tidak mengikat seseorang untuk mengikuti fatwa tersebut. Mufti atau mujtahid berkenaan mestilah seorang yang kompeten iaitu memenuhi syarat untuk mengeluarkan fatwa dan menggunakan metodologi yang betul.

Di Malaysia fatwa adalah keputusan atau pandangan hukum para mufti yang akan dikuatkuasakan setelah diwartakan di peringkat negeri dan akan

mengikat rakyat negeri tersebut. Kajian ini akan hanya menumpukan kepada fatwa muamalat yang berkaitan dengan kehartaan dan tumpuan khusus kepada penggunaan *maqāṣid al-Syari‘ah* dalam fatwa yang berkaitan dengannya. Lebih khusus lagi aspek-aspek muamalat/ekonomi Islam sebagaimana pengkategorian yang dibuat dalam senarai fatwa Jawatankuasa Fatwa Kebangsaan dan Jawatankuasa Fatwa Negeri-negeri.

Maqāṣid al-Syari‘ah

Maqāṣid al-Syari‘ah yang berasal dari perkataan *qaṣada* dalam bahasa Arab yang diungkapkan kepada *maqṣad* sebagai *ism mufrad maṣdar mīmī* bermakna kehendak dan maksud. *Maqṣid* sebagai *ism makān* bermaksud tempat *qaṣad* atau niat dan kata jamaknya adalah *maqāṣid* (al-Badawī, 2000: 43; Syihab al-Dīn, 2003: 1065; al-Fayumī, 2008: 304).

Manakala Kamus Marbawi menterjemahkan *maqāṣid* sebagai niat, maksud dan kehendak (1354H, 2: 136). Kamus Miftah dan Kamus Oxford Fajar juga menterjemahkannya sebagai niat dan maksud serta tujuan (Mohd Khairi Zainuddin et al., 2008; Abd. Rauf Dato’ Hassan et al., 2011: 585). Kamus Dewan pula menterjemahkan tujuan sebagai objektif dan matlamat (2007: 1092 dan 1724). Oleh itu apabila digabungkan dengan perkataan Syariah maka *maqāṣid al-Syari‘ah* boleh diterjemahkan sebagai tujuan, objektif, maksud, kehendak dan matlamat Syariah yang menjadi landasan teori sesuatu hukum. Manakala dalam Bahasa Inggeris, ia diterjemahkan sebagai *goals, objectives, higher objectives, principles, intents, purposes and ends* bergantung kepada pengertian ayat yang digunakan. Oleh itu, kerangka teori artikel ini membincangkan tentang penggunaan *maqāṣid al-Syari‘ah* dalam fatwa muamalat/ekonomi di Malaysia melalui kajian literatur oleh para sarjana.

Literatur Fatwa Muamalat di Malaysia

Penulisan dan kajian tentang fatwa telah dilakukan dengan agak menyeluruh meliputi bidang sejarah, pentadbiran, perundangan, kajian tempatan dan analisis kandungan. Berdasarkan penelitian awal, belum ada penulisan atau kajian menyeluruh yang mengkaji dan menganalisis fatwa muamalat di Malaysia apatah lagi berkaitan penggunaan *maqāṣid al-Syari‘ah*. Hal ini disebabkan aspek muamalat adalah perkara baru yang mula berkembang di Malaysia selepas perbankan Islam diperkenalkan pada tahun 1983. Oleh itu, bahagian ini akan menganalisis penulisan dan kajian lalu yang mempunyai kaitan dengan fatwa muamalat dan penggunaan *maqāṣid*.

Penulisan Fatwa Muamalat

Penulisan tentang fatwa muamalat boleh dilihat dari dua aspek iaitu yang menulis secara umum tentang institusi fatwa di Malaysia tetapi memasukkan juga perbincangan tentang metodologi pengeluaran fatwa dan yang menulis tentang hukum substantif dalam fatwa muamalat dan kaitannya dengan metodologi hukum.

Penulisan tentang fatwa di Malaysia secara keseluruhannya dimulakan oleh Othman Ishak (1981) yang menyentuh tentang kedudukannya dalam perundangan Islam di negeri-negeri Melayu dari sudut sejarah dan tafsirannya. Hasil kajian ini mendapati keputusan hukum yang dikeluarkan masih dipertikaikan bahkan kadangkala tidak diterima oleh masyarakat termasuk agensi kerajaan sendiri. Antara kelemahan fatwa yang ditemui dalam kajian Othman Ishak ialah keputusan hukum tidak selaras, tiada rujukan yang memuaskan, tiada keahlian khusus ahli-ahli jawatankuasa fatwa dan tidak meliputi daripada semua mazhab. Beliau mengesyorkan agar fatwa hendaklah dikeluarkan dengan berhati-hati supaya sesuai dengan ajaran Islam dan masyarakat boleh menerima dengan baik. Dapatkan ini diperkuatkan oleh Hasnan Kasan (2008: 138-140) yang mendapati isu fatwa yang tidak mempunyai rujukan yang jelas, mungkin juga termasuk penggunaan *maqāṣid al-Syarī‘ah*, masih lagi berlaku. Walau bagaimanapun, institusi fatwa yang menjadi skop dalam penulisan Hasnan tidak memasukkan Suruhanjaya Sekuriti dan Bank Negara Malaysia sebagai ‘institusi’ yang mengeluarkan fatwa atau keputusan hukum sedangkan kedua-duanya mempunyai autoriti dalam perkara tersebut di Malaysia.

Terdahulu dari itu Hooker (1991: 165-189) yang menulis tentang undang-undang Islam di Asia Tenggara mendapati dalam isu fatwa, Majlis Agama Islam mempunyai autoriti untuk mengeluarkan fatwa yang dianggap sebagai satu undang-undang yang formal di mana fatwa tersebut mengikat penduduk sesuatu negeri apabila ia digazetkan di negeri tersebut. Perbincangannya juga mendapati bahawa Mahkamah Sivil tidak terikat dengan fatwa. Hooker hanya menjadikan fatwa sebagai salah satu topik dalam penulisannya. Justeru aspek substantif tentang fatwa seperti metodologi hukum tidak disentuh dengan mendalam. Sungguhpun demikian tulisannya boleh menjadi input bagi mengetahui berkenaan fatwa di Asia Tenggara khususnya dalam bidang pentadbiran di Malaysia.

Analisis yang lebih komprehensif dan terfokus kepada bidang tertentu dalam fatwa dilakukan oleh beberapa penulis. Ahmad Hidayat Buang melakukan analisis fatwa dalam bidang Syariah tanpa mengasingkannya

kepada sub bidang, sebagai contoh *mu‘āmalāt* dan *munākahāt*. Kajian yang dilakukan oleh beliau sehingga tahun 2000 mendapat tumpuan metodologi fatwa di Malaysia adalah kepada mazhab Shāfi‘ī dengan mengambil-kira pandangan mazhab yang lain atas dasar kemaslahatan jika pandangan dari mazhab Shāfi‘ī tidak boleh menyelesaikan masalah (2002: 39-52; 2004: 163-180). Analisis juga mendapat fatwa yang dihasilkan bersifat progresif, hasil daripada sifat keterbukaan dan memberi perhatian kepada perubahan semasa. Walau bagaimanapun masih perlu diperbaiki aspek kaedah dan metodologi mengeluarkan hujah dan rujukan kepada mazhab selain Shāfi‘ī. Bagaimanapun status penggunaan *maqāṣid al-Syarī‘ah* tidak dinyatakan. Azman Ab. Rahman (2011: 7-26) pula memperincikan soal metodologi dan hubungannya dengan penerimaan fatwa oleh masyarakat. Justeru, proses pengeluaran fatwa melalui penyelidikan dan perbincangan terperinci serta mengambil kira kemaslahatan dan *maqāṣid al-Syarī‘ah* menjadi pemangkin kepada penerimaan masyarakat kepada fatwa.

Himpunan fatwa oleh Mufti Kerajaan Brunei (2000) berkaitan isu-isu kewangan yang difatwakan antara tahun 1962 hingga 1999 pula membahagikan bidang muamalat kepada dua iaitu urusan peribadi seperti munakahat dan faraid serta urusan am seperti jualbeli, hibah dan waqaf. Oleh kerana pembukuan dibuat untuk menjadi panduan hukum kepada masyarakat umum, fatwa-fatwa dinyatakan dengan ringkas. Justeru, kaedah penelitian yang digunakan bagi mengeluarkan hukum juga tidak dinyatakan secara jelas di bahagian pendahuluan termasuk penggunaan *maqāṣid al-Syarī‘ah*. Sungguhpun begitu, himpunan fatwa tersebut ada menyatakan tentang penggunaan dalil nas dan akal dalam fatwa yang dikeluarkan. Penulisan ini boleh dijadikan rujukan walaupun ia dikeluarkan di Brunei kerana sebahagian soalan adalah berkaitan isu-isu yang ada di Malaysia seperti ASN dan wang khairat kematian di samping jawapan menggunakan contoh-contoh institusi di Malaysia seperti Tabung Haji dan Bank Islam Malaysia Berhad.

KAJIAN FATWA MUAMALAT

Kajian terperinci terhadap fatwa kebangsaan di Malaysia tidak banyak dilakukan. Kebanyakan kajian adalah berkaitan dengan analisis terhadap fatwa di negeri-negeri malahan sangat sedikit yang mengkaji aspek muamalat. Antaranya kajian dalam bentuk latihan ilmiah di peringkat sarjana muda oleh Mohd Hamidi Zakaria (2004) dan Nurwahida Ahmad Ludin (2004).

Mohd Hamidi Zakaria menganalisis teks fatwa muamalat antara tahun 1980 hingga 2002. Kajian ini menumpukan terhadap fatwa Jawatankuasa Perundingan Hukum Syarak Wilayah Persekutuan Kuala Lumpur. Analisis

dilakukan terhadap metodologi hukum, sumber rujukan dan pewartaan. Hasil kajian mendapatkan metodologi hukum tidak dinyatakan di dalam teks fatwa yang dianalisis bahkan tidak menyatakan sumber rujukan fatwa yang dikeluarkan. Pada pandangan penulis hal ini mungkin bagi memudahkan kefahaman masyarakat dan melancarkan pentadbiran. Walau bagaimanapun, bagi penambahbaikan aspek dokumentasi terutama dalam aspek metodologi pengeluaran hukum dan sumber yang digunakan perlu didokumentasikan agar fatwa menjadi lebih sistematis dan jelas.

Nurwahida Ahmad Ludin yang menganalisis fatwa muamalat Jawatankuasa Fatwa Majlis Agama Islam Negeri Kedah mendapatkan rujukan banyak dilakukan terhadap kitab-kitab fiqh dari pelbagai mazhab dengan keutamaan kepada kitab mazhab Shāfi‘ī. Oleh kerana kedua-dua kajian yang dilakukan ini bersifat awalan, perbahasan yang lebih mendalam tidak dilakukan terutama dalam aspek penggunaan metodologi pengeluaran hukum termasuk *maqāṣid al-Syarī‘ah*.

Terdapat beberapa kajian di peringkat nasional seperti yang dilakukan oleh Mohd Akram Dahaman (2012) yang mengkaji tentang perbezaan dalam fatwa disebabkan perubahan sosial. Kajian dilakukan di Malaysia dan Singapura dalam bentuk perbandingan dengan menumpukan kepada Fatwa-Fatwa Muzakarah Jawatankuasa Fatwa Kebangsaan dan Majlis Ugama Islam Singapura. Liputan fatwa yang dikaji tidak menumpukan kepada bidang muamalat sahaja tetapi pelbagai bidang seperti *munākahāt*, akidah dan kesihatan.

Manakala kajian terhadap fatwa di Indonesia telah banyak dilakukan oleh para sarjananya. Antara yang terawal ialah penulisan Mohammad Atho Mudzhar (1993) telah mengulas mengenai amalan fatwa oleh Majelis Ulama Indonesia dan mendapatkan bahawa terdapat perkaitan antara realiti tempatan dan fatwa yang dikeluarkan. Selain itu pengeluaran fatwa adalah berdasarkan al-Quran, hadis dan fiqh serta dalil-dalil akal yang berbeza dengan fatwa di Malaysia yang mengutamakan mazhab Shāfi‘ī. Sungguhpun hasil penelitian menumpukan kepada kes-kes yang dipersoalkan secara khusus, terdapat sentuhan bidang muamalat dalam persoalan kategori ‘pernikahan dan keluarga’ iaitu tentang penjualan tanah warisan. Manakala kajian M. Hasbi Umar (2003) membuat analisis terhadap ‘*illah al-hukm* dalam fatwa Majlis Ulama Indonesia dan Farah Diba (2008) mengkaji tentang fatwa beberapa isu kekeluargaan di Indonesia. Kedua-dua kajian ini juga dilihat tidak memfokuskan kepada bidang muamalat.

Kajian oleh Cholil Nafis (2010) menjurus kepada fatwa-fatwa yang berkaitan dengan muamalat oleh Majlis Ulama Indonesia (MUI). Analisis yang dilakukan terhadap fatwa-fatwa berkaitan perbankan, pasaran modal

Syariah dan insurans Islam mendapati berlaku penyerapan fatwa MUI dalam undang-undang perbankan Syariah dan undang-undang insurans Syariah. Walau bagaimanapun, kajian ini tidak menumpukan kepada aplikasi *maqāṣid al-Syarī‘ah* dalam fatwa oleh MUI.

Kajian yang sama juga ada dilakukan di Brunei oleh Haji Japar Mat Dain (2011). Kajian ini adalah mengenai kaedah penghujahan dalam fatwa muamalat di Brunei yang merujuk kepada nas al-Quran dan hadis, jika tiada nas yang boleh dikaitkan, fatwa akan merujuk kepada pandangan fuqaha dengan keutamaan kepada mazhab Shāfi‘ī, para mufassir dan ahli hadis, fatwa semasa dan pandangan pakar. Dalam kajian ini penggunaan dan kepentingan *maqāṣid al-Syarī‘ah* dalam fatwa disentuh secara umum sahaja dalam bahagian latar belakang masalah.

LITERATUR PENGGUNAAN *MAQĀṢID AL-SYARĪ‘AH* DALAM FATWA MUAMALAT

Perbincangan tentang *maqāṣid al-Syarī‘ah* bukan sahaja telah dibahaskan oleh ulama masa silam bahkan ia berterusan sehingga ke hari ini sama ada dalam atau luar negara dalam bentuk penulisan buku (sebagai tajuk tersendiri atau bab dalam penulisan) (al-Syatibi,t.t.; Ibn ‘Asyur, 1366H; ‘Alal al-Fasi, 1933; Badran, t.t.; al-Qaradawi, 2001; ‘Abd al-Rahman al-Sabuni, 1982) atau kajian ilmiah di peringkat sarjana dan doktor falsafah (Aba Yazid, 2005). Kajian juga meliputi pelbagai bidang ilmu seperti akidah, ibadah, muamalat, sosial dan politik serta dalam pelbagai bahasa Melayu, Inggeris dan Arab.

Penulisan ilmiah tentang *maqāṣid* di Malaysia baru bermula di awal 1990an dan telah semakin giat dilakukan selepas tahun 2000. Manakala aplikasi *maqāṣid* dalam pelbagai bidang dan fatwa turut semarak di era 2000. Justeru penulis mendapati beberapa tajuk penulisan dan kajian yang hampir serupa boleh dijadikan asas untuk penyelidikan dalam bidang ini. Walau bagaimanapun, tiada penulisan yang memfokuskan kepada aplikasinya dalam bidang muamalat. Oleh itu, di sinilah ruang untuk kajian seterusnya dilakukan.

Tambahan lagi, pelbagai fokus kajian terhadap fatwa khususnya berkaitan metodologi pengeluaran hukum telah dilakukan di peringkat sarjana dan doktor falsafah dengan analisis terhadap fatwa di negeri-negeri di Malaysia secara khusus yang memberikan banyak dapatan ke arah mengenal pasti penggunaan *maqāṣid al-Syarī‘ah*. Antaranya kajian oleh Alias Azhar (2002) di Kedah mendapati fatwa masih berpegang teguh kepada mazhab Shāfi‘ī tetapi ada juga rujukan yang dibuat kepada kitab-kitab mazhab Hanafi dan Maliki. Noor Naemah Abd Rahman (2004) yang mengkaji fatwa di Kelantan

pula mendapati tiada piawaian metode pengeluaran hukum yang konsisten dan fatwa lebih kepada pandangan mazhab Shāfi‘īyyah tetapi turut menerima pandangan di luar mazhab untuk menjaga kepentingan umum. Tetapi metode ini berubah pada tahun 1990-an kepada *ijtihad tarjihī* iaitu pandangan ulama yang muktabar dengan mengambil kira kekuatan dan kesesuaian nas atau dalil.

Ahmad Zaharuddin (2004) yang mengkaji tentang fatwa di Pahang mendapati sumber-sumber hukum dan dalil-dalil penghujahan tidak dinyatakan di dalam fatwa. Pendekatan untuk mengeluarkan hukum juga bercampur aduk. Perkara yang sama juga dipersetujui oleh Mohd Akram (2005) dalam kajiannya di negeri Perlis. Namun begitu, di negeri Perlis fatwa tidak terikat kepada satu-satu mazhab tetapi terus merujuk kepada al-Quran, hadis, fatwa sahabat yang hampir dengan al-Quran dan Sunnah, *hadīth mursal* dan *da‘if*, *qiyyas*. Namun begitu, ketika darurat, *mashāliḥ mursalah*, *sadd al-dhara‘i*, *istihsan*, *istiṣlāh* dan *qawā‘id fiqhīyyah* akan digunakan mengikut keutamaan. Huraian terperinci ini telah menerangkan metodologi yang lebih jelas dalam pengeluaran hukum. Manakala kajian pemikiran fatwa di Malaysia dilakukan oleh Abdul Hamid Yunus. Kajian ini memfokuskan kepada amalan ijtihad dalam fatwa di Malaysia dan merupakan antara kajian terawal dalam aspek ini. Bagaimanapun, penggunaan *maqāṣid al-Syarī‘ah* dalam kajian ini tidak dapat dikesan.

PENULISAN PENGGUNAAN *MAQĀṢID AL-SYARĪ‘AH* DALAM FATWA MUAMALAT

Di Malaysia persoalan tentang fatwa muamalat dalam bentuk soalan dan jawapan dalam bahasa Melayu bertulisan jawi seawalnya boleh ditemui dalam buku *al-Fatawa al-Fathaniyah* karangan Syeikh Wan Ahmad Muhammad Zain al-Fathani yang meninggal dunia tahun 1908M (Wan Mohd. Saghir Abdullah, 1997). Buku ini kemudiannya telah disusun oleh Wan Mohd. Saghir Abdullah yang mengandungi segala jawapan berdasarkan mazhab Shāfi‘ī bagi menjawab persoalan dari masyarakat dalam dunia Melayu. Bahagian fiqh muamalat ditemui dalam soalan no. 41 tentang jual beli secara tunai dan jual beli secara tangguh dengan menaikkan harga hingga soalan no. 54 tentang waqaf. Metode pengeluaran hukum adalah berdasarkan kaedah Usul fiqh, ilmu al-Quran, hadis, Bahasa Melayu dan sebagainya. Sebagai contoh jawapan no. 48 yang menggunakan kaedah “*Darurat menarik manfaat dan menolak mudarat*”, rujukan ayat al-Quran seperti jawapan no. 53 (Surah Muhammad: 8 dan al-Nisa’ : 48 dan 116), hadis nabi SAW dalam jawapan no. 54 (tiga perkara yang tiada putus pahala kepada anak adam walaupun telah meninggal dunia), penggunaan ‘*illah* hukum pada jawapan 41 dan perbandingan mazhab pada

jawapan no. 50. Bagaimanapun tiada kenyataan yang menerangkan dengan jelas bahawa *maqāṣid al-Syarī‘ah* digunakan dalam fatwa yang dikeluarkan.

Ramai sarjana Islam kontemporari samada tempatan atau antarabangsa menulis tentang *maqāṣid al-Syarī‘ah* dan aplikasinya dalam pelbagai bidang. Shukeri Mohamed (1996: 1-25) membincangkan konsep pengurusan harta, kaedah dan strategi kawalannya menurut objektif Syariah dan kesannya kepada pencapaian *maqāṣid al-Syarī‘ah* bagi menjamin kesejahteraan masyarakat dan mengelak kemungkaran. Beliau mengesyorkan agar sistem pengurusan harta mengikut Islam dijadikan landasan wajib kepada seluruh kegiatan hidup dan ijтиhad dilakukan berlandaskan panduan oleh *maqāṣid al-Syarī‘ah*. Perkara ini menjadi tanggungjawab kerajaan sebagaimana mengikut prinsip *al-Siyāsah al-Syar‘iyyah*. Syor menggunakan *maqāṣid al-Syarī‘ah* untuk berijтиhad adalah suatu lompong untuk dikaji.

Hassan Ahmad (2001: 61-72) pula membincangkan tentang *maqāṣid al-Syarī‘ah* dan pengaruhnya dalam pembentukan hukum dengan menunjukkan kepentingannya bagi memahami nas. *Maqāṣid al-Syarī‘ah* juga digunakan bagi penyelarasan antara dalil-dalil yang bertentangan melalui mekanisme ‘illah dan hikmah serta meletakkan piawaian menurut kategori dan keutamaan. Abdul Monir Yaacob (2000: 167-192) juga membincangkan perkara yang sama dengan memfokuskan kepada hubungannya dengan nilai-nilai semasa di Malaysia. Menariknya perbincangan tentang *al-darūriyyat al-khams* atau lima perkara asas yang dijaga dalam Islam bukan setakat penjagaan agama, diri, akal, keturunan dan harta tetapi termasuk juga kebebasan dan kebijakan sebagaimana yang diutarakan oleh Muhammad Hashim Kamali dan Yūsuf al-Qaraḍāwī. Beliau mengesyorkan agar sumber dan kaedah yang ada dalam prinsip perundangan Islam seperti *maqāṣid al-Syarī‘ah* digunakan dalam penentuan hukum di Mahkamah Syariah dan peruntukan undang-undang Islam di Malaysia (termasuk fatwa) sebagaimana pengiktirafan harta sepencarian dalam undang-undang keluarga Islam di Malaysia.

Perbincangan ringkas oleh Mohd Sharif Bashir et al. (2008: 115-117) tentang aplikasi *maqāṣid al-Syarī‘ah* dalam transaksi *mu‘āmalāt māliyyah* atau kehartaan masa kini dalam contoh kad kredit mendapati keharusannya bagi menjaga kemaslahatan masyarakat dan agama dalam dunia moden hari ini. Perbincangan yang berasaskan realiti semasa ini sangat berfaedah bagaimanapun penambahbaikan dengan meletakkan dalil yang berkaitan adalah dicadangkan.

Ahcene Lahsasna (2011: 133-181) pula meletakkan kelayakan mempunyai pengetahuan yang mendalam tentang *maqāṣid al-Syarī‘ah* bersekali dengan pengetahuan tentang kewangan Islam kepada para mujtahid atau mufti atau

penasihat Syariah. Perbincangan dalam konteks kewangan semasa ini sangat relevan yang bukan sahaja memaparkan kepentingan menggunakan *maqāṣid al-Syarī‘ah* dalam setiap proses pengeluaran fatwa bahkan menjadikannya satu piawaian bagi pemantauan fatwa yang tepat dan sahih.

KAJIAN PENGGUNAAN *MAQĀṢID AL-SYARĪ‘AH* DALAM FATWA MUAMALAT

Setakat penelitian yang dilakukan, penyelidikan tentang aplikasi *maqāṣid al-Syarī‘ah* sama ada di peringkat sarjana muda, sarjana dan kedoktoran belum banyak dilakukan sebagaimana kajian berkaitan dengan fatwa di dalam dan luar Malaysia. Antara kajian berkaitan *maqāṣid* dan aplikasinya ialah seperti kajian oleh Aba Yazid (2005) tentang implementasinya terhadap perkahwinan dan hak-hak wanita. Kajian ini menjurus kepada penggunaan *maqāṣid al-Syarī‘ah* dalam perkara-perkara berkaitan munakahat dan khususnya hak-hak wanita berkaitan kehartaan. Manakala Mohamed El-Tahir al-Mesawi (2003) mengkaji hubungan antara *maqāṣid al-Syarī‘ah* dan peraturan etika sosial kemanusiaan dengan rujukan kepada penulisan Ibn ‘Ashur. Asyraf Wajdi dan Nurdianawati Irwani Abdullah (2007: 25-45) pula menulis tentang perkaitan antara *maqāṣid al-Syarī‘ah*, *maṣlaḥah* dan tanggungjawab sosial korporat. Bagaimanapun kajian-kajian ini tidak menyentuh tentang fatwa dan muamalat terutamanya di Malaysia.

Analisis penggunaan *maqāṣid al-Syarī‘ah* dalam bidang muamalat yang tidak berkaitan dengan fatwa boleh ditemui dalam penulisan ‘Izz al-Dīn Ibn Zagibah (2010: 27-316) yang membincangkan tentang kehartaan. Penulisan ini didahului dengan analisis konsep harta dari aspek penjagaan, pengumpulan dan pengagihan serta aspek perjanjian dengan tumpuan kepada gadaian dan jaminan.

Sebaliknya terdapat banyak kajian dan penulisan yang mengaplikasikan *maqāṣid al-Syarī‘ah* dalam sesuatu sub-topik muamalah seperti kajian oleh Zaharuddin Abdul Rahman (2011: 45-376) mengemukakan aplikasi *maqāṣid al-Syarī‘ah* dalam hukum jual beli sebagaimana yang terdapat dalam fiqh muamalat dan hukum semasa. Kajian ini merangkumi hakikat ilmu *maqāṣid al-Syarī‘ah* dan jual beli sebelum melakukan analisis penggunaan *maqāṣid al-Syarī‘ah* di dalamnya. Ameer Azeezy Tuan Abdullah (2009: 87-98) yang mengkaji tentang aplikasi fiqh muamalat dan *maqāṣid al-Syarī‘ah* dalam produk hibah mendapat terdapat konflik pencapaian *maqāṣid al-Syarī‘ah* antara hibah dan pusaka iaitu antara menjaga keturunan dan sistem kekeluargaan. Justeru atas prinsip *maqāṣid al-Syarī‘ah* dicadangkan

penggubalan undang-undang dibuat supaya penghibah tidak menghibahkan keseluruhan harta sehingga memudaratkan ahli-ahli waris.

Aplikasi dalam takaful keluarga seperti kajian oleh Che Ismail Che Othman (2010) mendapati pemakaian *maqāṣid al-Syarī‘ah* dari segi penjagaan agama, jiwa, akal, keturunan dan harta dalam faedah sumbangan, caruman peserta apabila berlaku musibah atau hilang upaya kerana kemalangan serta penyakit kritis. Bagaimanapun peserta yang mempunyai tunggakan tidak akan mendapat perlindungan dan kajian menyarankan untuk diberikan alternatif lain seperti pemberian tunai bagi mempastikan *maqāṣid al-Syarī‘ah* tercapai.

Kajian tentang penilaian pencapaian *maqāṣid al-Syarī‘ah* dalam perbankan Islam yang dilakukan oleh Lailatulazila Ibrahim (2008) mendapati kepuasan dan keselesaan pelanggan serta kemudahan yang diperolehi melalui metode soal selidik menunjukkan keselaruan dengan *maqāṣid al-Syarī‘ah* dalam sistem perbankan Islam untuk menyediakan kemudahan dan khidmat bank kepada masyarakat.

Selain menekankan aspek penggunaan *maqāṣid al-Syarī‘ah* dalam muamalat, terdapat juga kajian yang memfokuskan *maqāṣid al-Syarī‘ah* sebagai salah satu asas untuk melakukan ijтиhad dalam bidang muamalat kehartaan semasa dengan mengemukakan ciri-ciri dan garis panduan penggunaannya (Tawfiq ‘Abd al-Rahmān Qasim, 2012). Oleh kerana skop kajian yang akan dilakukan adalah berkaitan dengan *maqāṣid al-Syarī‘ah* dalam fatwa muamalat di Malaysia, maka dapatan dari kajian oleh Tawfiq ini serba sedikit dapat menjadi panduan kepada pengkaji-pengkaji dalam bidang ini.

KESIMPULAN

Penulisan dan kajian di Malaysia tentang penggunaan *maqāṣid al-Syarī‘ah* telah dilakukan dalam pelbagai bidang dengan menggunakan pendekatan aplikasi atau implementasi prinsip ini dalam kes yang dikaji. Walaupun demikian, autoriti mengeluarkan fatwa berkaitan muamalat di Malaysia yang diberikan kepada Majlis Fatwa Kebangsaan, Jawatankuasa Fatwa Negeri, Majlis Penasihat Suruhanjaya Sekuriti dan Majlis Penasihat Bank Negara Malaysia belum dikaji secara bersepadau dari perspektif *maqāṣid al-Syarī‘ah*. Apatah lagi penggunaan *maqāṣid al-Syarī‘ah* dalam pengeluaran fatwa memerlukan pengetahuan tentangnya secara mendalam yang menjadi satu syarat kepada para mujtahid, mufti dan Majlis Penasihat Syariah. Justeru, pengetahuan terhadap kaedah pengeluaran hukum sahaja tentu tidak memadai bagi menzahirkan keunggulan Syariat Islam. Berdasarkan penelitian literatur yang dilakukan,

penggunaan *maqāṣid al-Syarī‘ah* dianalisis sebagai satu kajian kes dalam aspek sosial, pengurusan harta, hibah, takaful dan perbankan. Bagaimanapun, analisis terhadap aplikasinya dalam fatwa berkaitan belum dilakukan. Oleh itu, kajian-kajian akan datang diharap dapat memenuhi ruang yang ada ke arah menjadikan fatwa di Malaysia lebih berwibawa sekaligus menepati *maqāṣid al-Syarī‘ah* iaitu menarik kebaikan dan menolak keburukan.

RUJUKAN

- ‘Izz al-Dīn Ibn Zagibah (2010). *Maqāṣid al-Shari‘ah al-Khaṣṣah bi al-Taṣarrufāt al-Māliyyah*. Jordan: Dār al-Nafā’is.
- Aba Yazid Achmad Muchtar Ghazali (2005). “Implementasi Teori *Maqasid al-Syari‘ah* Terhadap Konsep Nikah dan Hak-Hak Wanita.” Disertasi Sarjana Pengajian Islam, Bahagian Pengajian Bersama, Akademi Pengajian Islam Universiti Malaya.
- Abdul Hamid Yunus (1992). “Ijtihad dan Amalannya dalam Pemikiran Fatwa di Malaysia.” Disertasi Sarjana, Fakulti Syariah, Akademi Islam Universiti Malaya.
- Abdul Monir Yaacob (2000). “*Maqasid Syari‘ah*: Konsep dan Hubungannya dengan Nilai-Nilai Semasa di Malaysia dalam Menentukan Hukum,” dalam *Fiqh Malaysia: Ke Arah Pembinaan Fiqh Tempatan Yang Terkini*, ed. Paizah Hj. Ismail dan Ridzwan Ahmad. Kuala Lumpur: Unit Penerbitan Akademi Pengajian Islam Universiti Malaya.
- Abdul Rauf Dato’ Hassan et al. (2011). *Kamus Bahasa Melayu - Bahasa Arab dan Bahasa Arab - Bahasa Melayu*, ed. ke-2. Shah Alam: Oxford Fajar.
- Ahcene Lahsasna (2011). “Fatwa and its Shariah Methodology in Islamic Finance.” *Jurnal Pengurusan dan Penyelidikan Fatwa*, vol. 2, 133-181.
- Ahmad Hidayat Buang (2004). “Analisa Fatwa-Fatwa Syariah di Malaysia,” dalam *Fatwa di Malaysia*, ed. Ahmad Hidayat Buang. Kuala Lumpur: Jabatan Syariah dan Undang-Undang.
- Ahmad Hidayat Buang (2002). “Analisis Fatwa-Fatwa Semasa Syariah di Malaysia.” *Jurnal Syariah*, vol. 10, 39-52.
- Ahmad Mahdzan Ayob (1997). *Kaedah Penyelidikan Sosioekonomi*, ed. ke-2. Kuala Lumpur: Dewan Bahasa dan Pustaka.
- Ahmad Zaharuddin Mohd Alias (2004). “Fatwa Jawatankuasa Perundingan Hukum Syarak Negeri Pahang dari 1980-1997: Satu Analisis.” Disertasi Sarjana, Jabatan Syariah dan Undang-Undang Akademi Pengajian Islam Universiti Malaya.

- Alias Azhar (2001). "Metodologi Jawatankuasa Fatwa Kebangsaan." Disertasi Sarjana, Jabatan Fiqh dan Usul, Akademi Pengajian Islam Universiti Malaya.
- Alias Azhar (2002). "Metodologi Fatwa Kedah 1985-1995." Disertasi Sarjana, Jabatan Fiqh dan Usul, Akademi Pengajian Islam Universiti Malaya.
- Ameer Azeezy Tuan Abdullah (2009). "Kedudukan Produk Hibah dalam Pasaran di Malaysia." *Jurnal ILIM*, vol. 2, 87-98.
- Asma Akil (2003). "Maqāṣid al-Mukallafīn wa Mada Ta'θiruhā fī Ahkām al-Zawāj wa al-Talāq: Dirāsah Ta'siliyyah Taṭbiqiyyah." Theses Ph.D, Department of Fiqh and Usul Fiqh, Kulliyah of Revealed Knowledge, International Islamic University of Malaysia.
- Asyraf Wajdi Dusuki & Nurdianawati Irwani Abdullah (2007). "Maqasid al-Shari'a, Maslahah and Corporate Socio Responsibilities." *The American Journal of Islamic Sosial Sciences*, vol. 24/1, 25-45.
- Azman Ab Rahman (2011). "Konsep Fatwa dan Cabaran Penguatkuasaannya di Wilayah Persekutuan Kuala Lumpur." *Jurnal Pengurusan dan Penyelidikan Fatwa*, vol. 2, 7-26.
- al-Bađawī, Yūsuf Ahmad Muhammad (2000). *Maqāṣid al-Sharī'ah 'inda Ibn Taymiyyah*. Jordan: Dār al-Nafā'is.
- Che Ismail Che Othaman (2010). "Pemakaian Maqasid al-Syari'ah dalam Produk Takaful Keluarga di Etiqa Takaful Bhd." Disertasi Sarjana, Jabatan Fiqh dan Usul, Akademi Pengajian Islam Universiti Malaya.
- Cholil Nafis (2010). "Fatwa Fiqh Muamalah Majelis Ulama Indonesia: Studi Analisis ke Atas Pemikiran Hukum, Metode Istinbat dan Penyerapannya ke dalam Peraturan Perundangan." Tesis Ijazah Doktor Falsafah, Jabatan Syariah dan Undang-Undang, Akademi Pengajian Islam Universiti Malaya.
- Farah Diba, Dimple (2008). "Analisis Terhadap Kompilasi Hukum Islam Indonesia: Rujukan Kepada Beberapa Isu Kekeluargaan Berasaskan Kepada Fatwa Ulama." Disertasi Sarjana, Jabatan Syariah dan Undang-Undang, Akademi Pengajian Islam Universiti Malaya.
- al-Fayumi dan Ahmad Ibn Muhammad Ibn 'Alī (2008). *Al-Miṣbah al-Munir. Qāhirah: Muassasah al-Mukhtar li al-Nasyr wa al-Tawzī'*.
- Haji Japar Hj Mat Dain @ Maidin (2011). "Analisis Metode Fatwa Muamalat oleh Mufti Kerajaan Brunei dari Tahun 1962-2006." Tesis Ijazah Doktor Falsafah, Jabatan Fiqh dan Usul, Akademi Pengajian Islam, Universiti Malaya.

- Hasbullah Mat Daud (2011). “Teori *Maqasid Syari‘ah*: Kajian Perbandingan antara pemikiran al-Syatibi dan ‘Izz al-Dīn Ibn ‘Abd al-Salām.” Disertasi Sarjana, Jabatan Fiqh dan Usul, Akademi Pengajian Islam Universiti Malaya.
- Hasnan Kasan (2008). *Institusi Fatwa di Malaysia*. Bangi: Universiti Kebangsaan Malaysia.
- Hassan Ahmad (2001). “*Maqasid Syari‘ah*: Konsep dan Pengaruhnya dalam Pembentukan Hukum”, dalam *Hukum Islam Semasa - Bagi Masyarakat Malaysia Yang Membangun*, ed. Abdul Karim Ali & Raihanah Hj. Azahari. Kuala Lumpur: Unit Penerbitan Akademi Pengajian Islam Universiti Malaya.
- Hooker, M.B. (1991). *Undang-undang Islam di Asia Tenggara*, terj. Rohani Abdul Rahim et al. Kuala Lumpur: Dewan Bahasan dan Pustaka.
- Ibn ‘Ashur, Muhammad al-Tahir (2006). *Treaties on Maqasid al-Shari‘ah*, ed. Mohamed El-Tahir El-Mesawi. London: The International Institute of Islamic Thought and *al-Maqasid* Research Centre in the Philosophy of Islamic Law, al-Furqan Islamic Heritage Foundation.
- Ibn Manzūr (t.t.). *Lisān al-‘Arab*, vol. 15. Beirūt: Dār Ṣādir.
- Jabatan Kemajuan Islam Malaysia (2012). <http://www.e-fatwa.gov.my.>, dicapai pada 17 Mei 2012.
- Jabatan Mufti Kerajaan (2000). *Fatwa Mufti Kerajaan: Isu-Isu Kewangan*. Brunei: Jabatan Mufti Kerajaan, Jabatan Perdana Menteri Brunei.
- al-Khādamī, Nūr al-Dīn Ibn Mukhtār (2003). *al-Maqāṣid al-Sharī‘iyah*. Riyāḍ: Kunūz Asybilia.
- Lailatulazila Ibrahim (2008). “Pencapaian Objektif Shariah dalam Sistem Perbankan Islam: Kajian di BIMB.” Disertasi Sarjana, Jabatan Fiqh dan Usul, Akademi Pengajian Islam, Universiti Malaya.
- M. Hasbi Umar (2003). “Pembaharuan Hukum Islam di Indonesia: Analisis Terhadap *‘Illat al-Hukm* dalam Fatwa Majlis Ulama Indonesia.” Tesis Ijazah Doktor Falsafah, Jabatan Fiqh dan Usul, Akademi Pengajian Islam Universiti Malaya.
- al-Marbawī, Muḥammad Idris ‘Abd al-Rauf (1354H). *Qamus al-Marbawī*. Mesir: Muṣṭafā al-Bābī al-Ḥalābī wa Awlāduh.
- Mohamed El-Tahir Abu El-Gasim El-Mesawi (2003). “*Maqasid Syari‘ah* and the Human Socio-Ethical Order: An Inquiry Into the Islamic Fundamental of Human Science with Special Reference to the Work of Muhammad al-Tahir Ibn ‘Asyur on the Shariah Purposes.” Theses PhD, Department of Fiqh and Usul Fiqh, Kulliyyah of Revealed Knowledge, International Islamic University of Malaysia.

- Mohammad Atho Mudzhar (1993). *Fatwa-Fatwa Majelis Ulama Indonesia (Sebuah Studi Tentang Pemikiran Hukum Islam di Indonesia, 1975-1988)*. Jakarta: Indonesian-Netherlands Cooperation in Islamic Studies.
- Mohd Akram Dahaman @ Dahlan (2005). “Metode Fatwa Jawatankuasa Syariah Negeri Perlis: Kajian Berasaskan Fatwa 1990-2000.” Disertasi Sarjana, Jabatan Fiqh dan Usul, Akademi Pengajian Islam Universiti Malaya.
- Mohd Akram Dahaman @ Dahlan (2012). “Pengaruh Perubahan Sosial dalam penetapan Fatwa di Malaysia dan Singapura: Kajian Terhadap Fatwa-Fatwa Muzakarah Jawatankuasa Fatwa Kebangsaan (MJKF) dan Majlis Ugama Islam Singapura (MUIS).” Tesis Ijazah Doktor Falsafah, Jabatan Fiqh dan Usul, Akademi Pengajian Islam Universiti Malaya.
- Mohd Hafiz Jamaludin (2012). “Realiti Pengamalan *Istihsān* di dalam Perundangan Islam dan Fatwa di Malaysia.” Disertasi Sarjana, Jabatan Syariah dan Undang-Undang, Akademi Pengajian Islam Universiti Malaya.
- Mohd Hamidi Zakaria (2004). “Analisis Fatwa-Fatwa Muamalat Semasa dari Tahun 1980 hingga sekarang: Kajian Terhadap Fatwa Jawatankuasa Perundingan Hukum Syarak Wilayah Persekutuan Kuala Lumpur.” Latihan Ilmiah, Jabatan Fiqh dan Usul, Akademi Pengajian Islam Universiti Malaya.
- Mohd Khairi Zainuddin et al. (2008). *Kamus al-Miftah*. Kuala Pilah: al-Azhar Media Enterprise.
- Mohd Nazri Asiabu (2004). “Penggunaan Maslahah dalam Fatwa: Kajian Kes bagi Fatwa-Fatwa yang Dikeluarkan oleh Majlis Fatwa Kebangsaan Malaysia.” Disertasi Sarjana Syariah, Jabatan Fiqh dan Usul, Akademi Pengajian Islam Universiti Malaya.
- Mohd. Sharif Bashir dan Hisham Sabri (2008). *Maqāṣid al-Shari‘ah al-Islāmiyyah wa Taṭbiqatuhā fī al-Mu‘āmalāt al-Māliyyah*. Nilai: Unit Penerbitan Universiti Sains Islam Malaysia.
- Muhammad al-Tāhir Ibn ‘Āshūr (2006). *Treaties on Maqasid al-Shari‘ah*, ed. Mohamed El-Tahir El-Mesawi. London: The International Institute of Islamic Thought and *al-Maqāṣid* Research Centre in the Philosophy of Islamic Law, al-Furqan Islamic Heritage Foundation.
- Mustafā Sanu Qutb (2000M/1420H). *Mu‘jam Muṣṭalahat Uṣūl al-Fiqh*. Damsyiq: Dār al-Masyriq.
- Noor Naemah Abd. Rahman (2004). “Fatwa Jemaah Ulamak Kelantan 1920an-1990an: Satu Analisis.” Tesis Ijazah Doktor Falsafah, Jabatan Fiqh dan Usul, Akademi Pengajian Islam Universiti Malaya.

- Noresah Baharom et al. (2007). *Kamus Dewan*, ed. ke-4. Kuala Lumpur: Dewan Bahasa dan Pustaka.
- Norizan Masrion (2006). “Penentuan Hukum Berdasarkan Ijmak oleh Jawatankuasa Fatwa Kebangsaan.” Disertasi Sarjana, Jabatan Fiqh dan Usul, Akademi Pengajian Islam Universiti Malaya.
- Nurwahida Ahmad Ludin (2004). “Fatwa Jawatankuasa Fatwa Majlis Agama Islam Negeri Kedah: Analisis Terhadap Fatwa Mu‘amalat.” Latihan Ilmiah, Jabatan Fiqh dan Usul, Akademi Pengajian Islam Universiti Malaya.
- Othman Ishak (1981). *Fatwa dalam Perundangan di Malaysia*. Kuala Lumpur: Fajar Bakti Sdn. Bhd.
- Saipul Anuar Haji Mohd Yusop (1999). “*Sadd al-Dhara‘i* sebagai Sumber Fatwa: Satu Kajian Tentang Pemakaianya dalam Fatwa-Fatwa Negeri Selangor.” Disertasi Sarjana, Jabatan Fiqh dan Usul, Bahagian Pengajian Shariah, Akademi Islam Universiti Malaya.
- Shukeri Mohamad (1996). “*Maqāṣid al-Shari‘ah* dalam Pengurusan Harta,” *Monograf Syariah*, vol. 4.
- Syihab al-Dīn Abū ‘Amr (2003M/1423H). *al-Qamus al-Munjid*. Beirūt: Dār al-Fikr.
- Tawfiq ‘Abd al-Rahmān Qāsim (2012). “al-Ijtihād fī al-Mu‘āmalāt al-Māliyyah al-Mu‘āsirah - Usūsuhu wa Ḏawābituh.” Tesis Ijazah Doktor Falsafah, Universiti Malaya, Kuala Lumpur.
- Wan Mohd. Saghir Abdullah (1997). *al-Fatawā al-Faṭaniah Syeikh Ahmad al-Fathani*, jil. 2. Kuala Lumpur: Khazanah Fathaniyah.
- Zaharuddin Abdul Rahman (2011). *Maqāṣid al-Shari‘ah fī Aḥkām al-Buyū‘*. Kuala Lumpur: IIUM Press.

Senarai Statut

Enakmen Pentadbiran Agama Islam (Negeri Selangor) 2003.

